



Notitia Congregationum Et Tribunalium Curiæ Romanæ

Plettenberg, Hunold

Hildesii, 1693

§. 10. De procuratore fisci, & ejus Substitutis.

[urn:nbn:de:hbz:466:1-63032](#)

interesse prosequentibus, si quid sponte dare voluerint, illud acceptare.

6. Plerumque etiam committitur huic Advocato munus Promotoris Fidei, hoc est Advocati Fiscalis, vel opponentis in causa beatificationis, vel cultus, aut Canonizationis servorum Dei: Ideoque interest quoque Congregationi Rituum, aliisque conventibus, in quibus de ejusmodi materia tractatur. Non admittitur tamen ad Tribunal Inquisitionis universalis, cum hoc proprium suum, & particularem habeat Fiscalem.

7. Emolumenta eadem habet hic Advocatus, quæ habet Advocatus pauperum, & quædam etiam majora, cum inscribere possit in causis criminalibus contra reos accepta mercede ab accusatoribus, vel instigatoribus, quod licet licitum sit, indecens tamen videtur, ideoque moderni ut plurimum ab hoc abstinere solent.

§. IO.

De Procuratore Fisci & ejus Substitutis.

1. Oficium Procuratoris Fisci.

Mm 3

2. Ep

556 *De Procuratore Fisci*

2. *Est in Curia magnæ auctoritatis.*
3. *Interest Procurator publicis Consistoriis.*
4. *Gratis introducere causas debet.*
5. *Habet septem Substitutos.*
6. *Non potest instituere examen, nisi presente
 judice.*

I.

Procurator Fisci fiscales causas in o-
mnibus Romanæ Curiæ Tribunalis-
bus *ex facto* instituit ac defendit, ideo-
que officium illius consistit in agendo
& procurando, dictusque olim non-
nunquam fuit Curator Reip. *I. Curator C.*
de modo multarum.

2. Nunc in Romana Curia non me-
diocris est auctoritas illius, cum dica-
tur Papæ familiaris, accipiatque portio-
nem ex Palatio, & vestibus utatur vio-
laceis. Assilit quoque Judicibus in cau-
sis fiscalibus, suumque votum sâtem
consultivum confert; Citari enim, vo-
cari, & audiri debet in omnibus causis
criminalibus quorumcunque Judicum
& Tribunalium, exceptis causis Fori Ca-
pitolini, & iis pro quibus in Fisco inter-
venire solet Cameræ Commissarius. *Par-*
lus V. Const. 71. Universi agri.

3. Interesse

3. Interesse quoque solet publicis Consistoriis, & curare ut de rebus ibi publice gestis per aliquem ex Protonotariis Apostolicis ad perpetuam rei memoriam publicum conficiatur documentum, cum intersit Reip. eiusmodi rerum conservare Testimonium. *Vestrius. l. 2. c. 9.* Nominatur ab ipso Papa, & in admissione ad Officium, quod manuale est, praefstat in Camera juramentum fidelitatis. *Paulus V. l. c.*

4. In introducendis causis nihil omnino ab instigatoribus accipere potest pro Decreto vel Subscriptione cujuscunque Monitorii. In prosecutione verò causarum nonnisi moderatè pro labore ad commodum instigatorum subeundo admittere potest. Nihil verò à reis sub quovis prætextu.

5. Procurator septem habere debet Substitutos, quibus singulis Camera Scuta quinque menstrua persolvit, videlicet quatuor Substitutos pro Tribunali Gubernatoris, duos pro Tribunali Auditoris Cameræ, & unum pro Tribunal Vicarii. Hi quoque Substituti pro inventariis, cassationibus processuum, citationibus, aut alio quoconque prætextu à reis nihil prorsus,

sus, nec esculentum aut poculentum accipere possunt sub poena infamie, privationis officii, & inhabilitatis. *Paulus V. l. c.*

6. Reos nec ipse Procurator Fisci nec ejus Substituti interrogare, aut testes examinare possunt, nisi in praesentia Judicis; Neque dare possunt mandata voce vel in scriptis de capiendo quempia, nisi in periculo fugae & Judicis absentia. Non tractet Procurator de compositione cum ipsis reis, sed expeditioni causarum incumbat; Si reus compositionem petat, fiat cum interventu Judicis. Neque etiam Procurator quavis ex causa quiequam à Substitutis suis recipiat, sed omnia emolumenta illis liberè & integrè relinquat. Si Substituti illi ad reformandos processus extra Urbem mittantur, ultra vietus & equorū impensam debita quoque & taxata viatica nil recipere possunt. *Paulus V. l. c.*

§. II.

De Commissario Cameræ Apostolicæ.

I. *Qualis Commissarius esse debeat.*

2. *Quod*